

106 年嘉義縣語文競賽分區初賽

閩南語演說題目

編號	題目
1	我上俗意的禮物
2	若準我是老師
3	一擺練習的機會

01 阮兜的早頓

黃文俊

自我有記持開始，阮兜的早頓就是阿爸一國、阿母侖阮兄弟仔一國。我讀幼稚園的時，逐工透早阿母就共早頓攢好勢，有時陣是牛奶配俗麪¹，若無就是豆奶配餸，包仔。

逐工早起，當阮咧食早頓的時，阿爸攏佢邊仔咧看報紙。我就問阿爸哪無欲做伙食？阿爸攏應講伊食飽矣！想袂到阿爸遐早就食飽矣，伊是食啥物好料的攏毋予阮知咧？

捌聽阿媽講起，阿爸細漢的時，厝內因仔大陣。猶閤蹣佢庄跤的時，阿公侖阿媽足早就愛去作稽，早起攏煮一大堆糜，等阿爸個兄弟仔精神了後，配一寡仔菜脯、蔭瓜仔，清彩扒扒咧就去讀冊矣。阿媽閤講過，阿爸細漢的時足歹喙斗，佢庄跤食糜配醬菜的日子，逐工攏嘛面憂面結，啥物都無愛食，毋才會生做黃酸黃酸。

講嘛奇怪，搬去臺北了後，阿公侖阿媽無閒咧做生理，早頓攏叫阿爸爸已提銀角仔去菜市仔買，伊煞親像因仔咧轉骨全款，開脾矣！今仔日食蚵仔麵線、明仔載買肉羹麵，若無就是米粉炒配豬血湯。就按呢，阮阿爸的早頓就沓沓仔變成菜市仔口味的綜合版，真億得改矣！

阿母講伊侖阿爸往來的時陣，母知阿爸愛食被款重口味的早頓，有當時仔阿爸會炁伊去菜市仔食數念誠久的好滋味，阿母嘛會當接受。想袂到，結婚了後兩個人煞不時為著欲欲食佗一款早頓咧冤家。頭起先，阿爸會勉強共阿母攢的早頓食予了，毋過阿母敢若會當感受著翁婿小可仔稀微的心情——無食著家己俗意的早頓，規工攏袂輕鬆包仔！

阿母共阮講：「人講無冤無家，不成夫妻。但是若為著無全款的食食咧冤家量債，拍歹翁某的感情，彼才是母值！」

所以，這馬阮兜的早頓，就保持這種各人揀各人愛食的，逐家攏誠歡喜。毋過，阿爸有當時仔欲去買伊上愛食的蚵仔麵線，攏會偷偷仔問我侖小弟有想欲食無？我定定咧想：「有時陣換食換食，嘛袂罷呢！」

¹俗麴(sio̍k-pháng)

02 鏟頭髮

程惠如

捋仔捋，抑是用吹風機吹，攏無效，誠費氣。伊定定舞甲
想欲攏三分仔，毋過閤無勇氣。

自細漢阮就罕得去電頭髮店予人鏟頭髮，見攏若是學校欲檢查頭毛，阿母就會工課放咧，叫阮三姊弟仔坐跔椅條，逐个人提一張中央挖空的報紙橐咧，聽候阿母「開工」。阿母會先對阮兩姊妹仔開始，因為查某因仔的頭毛規定上長千焦會當恰耳珠齊，額頭的頭髮要離目眉頂一公分。阿母手法誠猛掠，鏟刀小可仔振動一下，一睜仔就鏟好勢矣。小弟的較麻煩，愛用攏仔先攏做三分仔，才閤用剃頭刀共毛跤剗過，剃一粒頭著愛半點外鐘。

讀國中的時陣，阿母日時佇鞋仔廠上班，暗時閤去合作農場洗芹菜，逐工無閒甲無暝無日，就叫阮家己鏟。我恰小妹兩个人互相鏟，小弟的頭無人會曉剃，就提錢去揣剃頭店的師傅。有一攏，小妹無細膩共我後壁的頭毛鏟甲缺一角，隔轉工去學校予人笑講「去予狗噉著」。自彼擺了後，若是欲鏟頭髮，我就會三叮嚀四吩咐，叫小妹毋通共我鏟罷去。

大漢出社會了後，阿母就毋捌閤共阮鏟頭毛矣，顛倒是三不五時，阿母會叫我共伊的頭毛略仔修予順。小弟佇臺北趁食，見攏若去予人鏟頭髮攏無滿意，因為伊去種著阿母的蚪頭毛，若鏟無好勢就會整甲若棕櫚仔。噴水、用

有一回伊歌睂轉來厝，我看伊規粒頭敢若鳥仔岫咧，就問伊欲予我鏟頭髮無？想袂到伊竟然應好，我就開始攏家私。我寬寬仔鏟、沓沓仔修，舞欲規點鐘久。等小弟的頭洗好，吹焦了後，阿爸、阿母看著，竟然呵咾伊變足緣投，閤講我會當出師矣。後來小弟共我講，個同事攏講伊這攏頭髮鏟了誠好看，拍層拍了誠順，閤相爭問伊是佗一間鏟的，個嘛想欲去。

這馬，我會共我的後生、查某因剃頭，雖然個一半擺仔會嫌我跤手慢鈍，剃頭的時陣身軀誠刺刺，毋過看個鏟好了後輕鬆的款式，我心肝內就會感覺誠滿足！

03 磅米芳

張淑芳

「欲磅矣！」聽著這句話，囡仔人耳空隨掩起來，等 phòng 一聲煞，隨閤倚過去看，彼是一種期待、一種歡喜、一種幸福的感覺。

毋知你敢有食過米芳？毋是彼種店仔買會著，食著有芳有芳彼種，是彼種現磅起來，燒燒脆脆閣甜甜彼種。仔民國五、六十年代，真濟囡仔人無啥物四秀仔通食，三頓食會飽就偷笑矣。除非是過年，平常時根本毋敢想食欲糖仔餅，所以見若聽著有人咧喝：「磅米芳的來矣。」規陣囡仔就歡喜甲。阿母看囡仔遞爾歡喜，想講平常時嘛毋捌提錢予囡仔買糖仔食，這時陣實在毋甘予囡仔失望，總是會予阮提空的牛奶罐仔貯一管米，去磅米芳遐排隊。

長長一排等欲磅的罐仔排仔塗跤，會當看出每一家口仔環境的好罷。厝內較艱苦的較細罐，厝內較會得過的就較大罐，面頂閣會加園一包塗豆。毋過無論環境啥款，囡仔人全款足樂暢的。仔邊仔看頭家咧磅米芳，逐家目睭攏金金相，看頭家煮糖漿，倒入去今仔磅好的米內底，攬攬咧才閤倒入去柴盤仔內面哲予平，趁燒切做一塊一塊。切米芳的聲音是遐爾好聽，囡仔人的喙濶是強欲津落來。啊若厝裡無閒愛鬥作稽的囡仔，無法度跔現場看頭家

表演，厝邊隔壁的囡仔嘛會做報馬仔，報講後一個就是恁兜矣。囡仔知影免偌久就有芳閣脆的米芳通食，未曾未就喙笑目笑。阿母仔邊仔看，嘛綴咧歡喜，啊這個月的米是有夠通食，就先莫去想矣。

這幾年仔已經罕得看著有人咧磅，磅好幾若袋囡仔聽候人仔，想袂到煞看著有人咧磅，磅好幾若袋囡仔聽候人買，毋過攏無人來交關。米芳攏冷去矣，頭家嘛是相連絕咧磅。一聲「欲磅矣！」逐家閃甲離離離，驚去予嚇驚著。phòng 一聲，聲音聽起來煞有淡薄仔孤單。我共頭家買一仔來食，全款甜甜脆脆，毋過食著的是一種記持，我已經食無彼種幸福的滋味矣！